



SECONDA SESSIONE URDINARIA DI U 2019
2EME SESSION ORDINAIRE DE 2019
RIUNIONE DI 26 È 27 DI SETTEMBRE DI U 2019
REUNION DES 26 ET 27 SEPTEMBRE 2019

2019/O2/084

*Question déposée par Anne TOMASI
Au nom du groupe « Partitu di a Nazione Corsa »*

Objet : Pulitica patrimoniale di a Cullettività di Corsica.

O sgiò Presidente di u Cunsigliu Esecutivu,
O Madama a Cunsigliera in carica di l'azione culturale è di u patrimoniu culturale

Di settembre scorsu s'hè compia a 36ema edizione di e Ghjurnate Europeane di u patrimoniu. Cum'è sempre funu un successu.

Nant'à u nostru territoriu, st'evenimentu chì mette in valore musei, munimenti è lochi storici ma ancu Arte teatrale, musicale, è sinemattograficu face di i nostri lochi un patrimoniu vivu chì piace assai à a ghjente.

O Madama a Cunsigliera, stu patrimoniu hè una di e ricchezze maiò di a Corsica, testimone di tutti i mumenti di a nostra storia da a prestoria sin'à oghje.

Ancu s'ella hè stata una parte di stu patrimoniu, priservata, salvata è s'ella hà benefiziatu d'una pulitica di valorizzazione di i puderi publichi, hè quantunque vera chì a maiò parte di e nostre ricchezze patrimoniale hè oghje lasciata à l'abandonu, in gattivu è ancu gattivissimu statu.

Eccucine qualchì esempiu :

- u situ prestoricu di Paddaghju in Pumonte : ci si trova quì, nant'à una proprietà privata, a cuncentrazione à più maiò di stantare di tutta a conca Mediterranea. Si ne vanu di male sti megaliti è nisuna suluzione ùn hè trova per prutegeli;

- u paese medievu di Paese Vechju sopr'à Bastia, chjamatu ancu Paese Grecu o Mantinu chì u so Castellu sarebbe di l'ondecimu seculu : stu situ ùn benefizieghja di nisuna prutezzione ne valurizzazione;
- u cunventu Sant'Antone di Casabianca custruitu in 1420 è chì hà accoltu a Cunsulta di 1755 quandu chì Pasquale Paoli hè statu fattu Capugenerale di a Nazione : si n'hè quasi tuttu falatu st'edifiziu , ùn ne ferma chè u so schenatru principale è u so campanile;
- In a casa Bronzini de Caraffa in Bastia ci sò cullezzione chì testimonieghjanu di l'usi è di u quadru di vita di a nubbiltà corsa trà u 17emu è u 19emu seculu. Oghje issu casale hè sempre chjosu senza alcuna valurizzazione è si ne vada di mal'in pughju.

L'esempii sò numarosi o Madama a Cunsigliera, in tutti i rughjoni isulani.

Vulerebbe sapè qualessa hè a pulitica di a Cullettività per ciò chì tocca a salvezza, a priservazione, a reabbilitazione, è a valurizzazione di u nostru patrimoniu.